

docriver 文川网
古籍书城
入驻商家
在文川网搜索古籍书城 获取更多电子书


中國方志叢書·華北地方·第三十一號

據 民國十年 生纂修 本影印

山東省

續修鉅野縣志

(二)



成文出版社印行



中華民國五十七年三月壹一版

續修鉅野縣志

全二册

定價：新台幣六〇〇元正

發行人：**黃成助**

臺北郵政信箱二二六〇五號

出版者：**成文出版社**

臺北郵政信箱二二六〇五號
電話：九二二〇一〇號

印刷者：**正大印製廠**

三重市長生街二號之一

版權所有

內政部登記證內版臺業字第一一四七號

民國十年歲次辛酉春三月

鉅野縣志續編

皖川魏濟生題

docsriver 文川网
入驻商家 古籍书城

在文川网搜索古籍书城 获取更多电子书

縣志續編序

鉅野縣志自明天啓萬曆間縣令吳鵬
雲創脩方時化績循至清康熙間章
令宏又賡而續之中更一百三十餘年黃
令維翰復纂循道光庚子易代至今
傳循缺略又近百載矣此百年間粵氛
北犯流寇橫行長槍會大刀會此仆彼起

勢豪土匪縱暴里閭悍卒潰兵殺人盈野
蕩析剝切若亂絲又值民國初基人心
浮動其間時事交遷治術沿革之故殆
不可勝紀嗚呼不有述載其何以昭素禩
振步循章勸地庶專理政教乎昔漢高
入秦蕭何獨收圖籍具知天下形勢朱子
薄同安下車問志周知一方利病所以歷代

通壇之玄典循方志尤為急務民國四年
春濟生來宰是邦經獲麟之台過滄臺
故里想像武城絃歌之治及顛侯昌王之
遺蹟未嘗不歎山川磅礴之氣厚毓賢
傑著為名區既而蒐考方志近百年間
缺焉未備慨然有續貂之志卒以時方
多故款絀事繁未遑事此六年秋受代

南征轉徙湘賴而此間師旅饑饉民生凋
瘵更有不忍言者矣八年夏五被命重來
伏莽未清標本竝治一切廢事先後粗舉
地方耆秀明達之士旋以續脩縣志為請
濟廼任而赴曰此吾之素志也今幸羣醜
盪殄民樂安居官政雖餘猥吾民率義
向方忠貞卓立之搢及今弗紀凌夷放失

浚將無可網羅顧不重可惜乎爰於九年
春公屬畢君鴻賓黃君維準主持局
務一時鄉里士夫奔走採訪相與列史籍
稽公牒蒐家乘扞殘碑舉凡封域陵石
建置興廢灾祥以事之紀忠誼偉節循
吏名賢孝子悌弟貞婦淋女之行風俗繇
賦版籍齋祀之數祠墓遺蹟詩文謠咏之

傳陶梁險阻之所倚川流福徙之所經德括
明辨別類分門不數月而搜羅備具諸君
之功可謂勤且敏矣先是許前令玉瓚曾
屬崔明經凌霄於光緒廿三年重修稿
就未刊顧惜其少略而多未備於特踵舊
稿而增多之故事半而功倍許崔兩君之
功信不可沒而濬亦不敢掠前人之美今十

月稿成將付剗劂故略泐其緣起如此用
以章顯闡幽拾遺補缺庶幾班揚濟
令尋繹遺規當官而行兢惕自奮若
云化民成俗語於循良之選則吾豈敢乃
為之敘曰

昌邑故都濟州舊郡星應奎婁或分或
併瑞洽鳳鳴祥徵麟定星絡綺連川阻

山峻計里開方式遵古訓述縣境圖第一
山川名勝地靈人傑游釣所經風景清絕述
名勝名園第二

三十為世中經夏夏波瀾雲詭奕局紛綸
角雄逐勝傲擾我氓日經月緯是究是
程述編年志第三

周原臚禹跡茫洙水東流崑嶺南翔

哀舉原隄附之津梁賸為拍掌親方畫
疆述山川志第四

饒、學校倫紀攸飭山川秩祀輔相有德保
釐邦土新法是式除道成梁三時不失實
業振興羣力群策分道程功各循典則
述建置志第五

丁漕民屯國帑五供緩二用一府廩是

先為解石支捐益舊制課鹽權酷因
民所利土宜繇殖名釐巨類述食貨志

第六

為吏而良職責固宜職如未傳厥各異
辭亦推所自敬而志之先事之考後事

之師述職官志第七

綏、羣彥紆纓端輶微庸殊途宣力則

一進矢貞慤退守恬謚儀尔邦族多士用
信述選舉志第八

麟野降靈萬生莫救或出或處先民有
作緯或經文邦家之傑忠孝勇義砥行
礪節貴潛頭幽往則斯託述人物志第九
梯德無名遠閩迺章艱貞蹈義風烈
郁芳具昭幽嫩式資表揚述人物志第十

十

漢賈蔚起振輓今古唐宗以降揚鱗

刷羽燦然高詠緬尔元矩吉堂樂石昭

若素許餘膏賸馥軼文咸舉述藝文

志第十一

民國九年歲次庚申十月下澣

知鉅野縣事皖人郁濟生巨川撰書



書縣志續編後

禹貢周駘方志國邑者之權輿也乃
自後世觀之有謂其瑣細而俚陋者
矣夫田賦高下之異等墳壙黎赤
之異壤九鎮九澤之異名五戎八蠻
之異服其列而載之可也至於蓀蕩
蒲簞淮濱江魚之細則類於草木

docsriver 文川网
入驻商家 古籍书城

在文川网搜索古籍书城 获取更多电子书

魚虫之畜多男少女少男之
紀則近惟市井村俗之後古人何
可是之項也蓋凡足以利器用
阜民生者皆以備者不可不識
雜畧之况其重且大乎鉅野縣志托
始於嘉靖丙午繼修於萬曆庚寅
三修於天啓癸亥四修康熙戊子至

道光庚子黃公維翰始集其成云
備矣奈世更浩劫歷八十稷之緣終
具滯末可以觀絳鼓也光緒丁酉
玉璣許公有去續修屬崔伊鵬先
生重為編輯未脫禍而許公卸事
主事遂中輟迄今又三十年
矣况值國體改革政治變更

宋王無微我
不及今採訂將守闕托殘益覺祀

賢侯郡公巨山下車以來向德觀
風面心掌故因延邑紳而提倡其
事泚同人無不踴躍贊成爰於九
年一月籌款開局惟時吾邑科
第名詰多官遊遠方因囑賓與黃

君次平董其事學疎識淺恆惕然
以不克勝任為懼蓋以作志難於作
史史據實考而志待採訪史寓褒
貶而志在表彰至中或曰之傳聞
或出自臆度過當違心賢者不免
臣武功朝邑二志與史并傳而後
人始有遺議其他更無論矣幸我

賢侯以經術起家為斷輪巨手至
遂至旁午而一文一藝皆不出自
公仔手訂分類別門衷然成帙我
賢侯之婆心美意真堪與麟鳳
并傳矣庶几覽斯志者出則
懷學道愛人之弘愛則守此公
不玉之風化年文為玉帛空我馬

為待老他民成仇而絃誦之聲或
可再聞於大野中也是則賓所
厚望也夫

邑後學畢鴻賓謹識并書

續修縣志呈文

呈爲籌修縣志呈請立案事竊聞宣尼秉筆取列國之寶書蕭何入關收咸陽之圖籍乃能執其臬守其經施教隸政胥繇此矣是故班氏作地理之志悉舉太史郡國之書摯虞著畿服之經旁及分野封圻之畧固皆總括寰瀛儷於國史已他如潘岳之述關中王範之錄交廣顧啟期著稱婁地雷次青獨詳豫章則又徧採方隅雜陳簿錄下此則江南士女雅行可書扶南風物殊聞咸紀亦足以達情喻道辨物類名外入輶軒內登冊府俾在上者按圖繙帙挈領振裘



如窺廣肆之中求砥大同之治由來舊矣今維

省長整飭綱維綜覆名實宏革故鼎新之畧極鏡來
彰往之觀爰命單壤遐陬修墜舉廢殫察利疚博洽
見聞因以鉞楛而袞良頌憲而糾俗義至深意至美
矣矧鉅邑分奎婁之野綰曹濟之衝大野既濬西狩
獲麟之地崇山作鎮東窺鳴鳳之臺攬秦洞之雲霞
帝曾避暑挹昌城之烟雨地亦分藩是武城學道之
邦尤澹臺言公之室自時厥後代有聞人而王粲伊
籍之倫彭越李典之輩尤能經緯文武度越等倫焉
特是碑刊屏盜夙號巖疆墓峙安興久成京觀漢唐

以降尙曹南文治之鄉宋明以遷卽河朔橫行之所
重以地廣而瘠民庶而貧山幽藪深亡命攸萃灌莽
悉伏戎之宅萑苻爲聚盜之資畝有餘糧猶思竊弄
室如懸磬更作逋逃雖風俗之隱憂實教化之未溥
也然而敦愿樸厚率義尙方質性未漓民固可教而
又文人碩彥餘風猶存孝友貞廉艱苦卓絕之操所
在多有亦不可謂非雅邑也知事四年春忝焉承乏
瞻河山之風景慨村社之坵墟振轂蹇帷莫知所屆
操刀製錦思得其端未逾有成之年勉請及灰之代
事遂中輟以迄於茲致可愧矣伏查鉅野縣志經始

於有明嘉靖中纂於前清康熙星沙黃君維翰來篆
是邦復大修於道光庚子刊而成編時逾百年缺不
復補今則時世移易滄桑變更又八稔矣遂使月成
歲會久而無徵潛德幽光湮而莫舉文獻之邦同於
杞宋不尤可惜乎本年五月被命重來承師旅饑饉
之餘極風雨室家之瘁一行任事百廢待興深維法
令雖具非邳治清濁之源文教失宣實有司士大夫
之責先務之急莫重於斯是用延都鄙之紳耆進邑
人之壽考商榷程序掇拾遺聞博採惇獨之行共述
先儒之德冀紹往業而振頽風邦人君子贊同斯旨

茲於九年一月設局籌辦延邑紳畢君鴻賓黃君維
準主其事並函聘邑清太史姚君舒密總其成耆儒
魏君自勵李君樹藩分其在庶幾識大識小不墜文
武之規記事記言共定馬班之業云爾至於刊修經
費容再設法酌定另文呈報所有籌修鉅野縣志情
形理合先行呈請

省長鑒核脩案訓示祇遵謹呈

省長 道尹

docsriver 文川网
入驻商家 古籍书城

在文川网搜索古籍书城 获取更多电子书

鉅野縣志續編凡例

一舊志每逢續修必合原板一并翻刻取其體例一
致查舊志搜羅宏富原板完全無缺爲保存古物
計亦無須再費棗梨僅將續修另刻成帙定名爲
鉅野縣志續編

一舊志向分十七志閱者畏其煩難續編自道光庚
子至民國庚申越年無多或以事少合併如雜稽

或以國體變更例應刪除如恭記或以事蹟全無

不復紀載如方輿茲共合爲九志通分八卷令閱

者一目瞭然